



UNIVERSITÄTS-
BIBLIOTHEK
PADERBORN

**Petri Venerabilis Abbatis Cluniacensis; Illvstrivm
Miracvlorvm Libri II**

Petrus <Cluny, Abt>

Coloniæ, 1611

XXIV. De Guidone Gebennensi Episc.

[urn:nbn:de:hbz:466:1-64969](#)

De Guidone Gebennensi Episcopo.

CAPUT XXIV.

POst hanc quam præfatus sum visionem, Gebennensis Episcopus Guido in medium adducatur, & quid huic miraculo simile de eo contigerit, exponatur. Fuit hic magnæ secundum seculum, nobilitatis, & ideo multò plus quam Episcopum decuisset, vitæ dissolutioris. Nam cum esset frater Aimonis lussum virbis comitis, tam seculari generositate, quam ecclesiastica dignitate confisus, potentia atque diuitijs vndeque circumfluus, plus mundo quām Deo, magis carnalibus, quām spiritualibus actionibus inseruiebat. Cumq[ue] multa agenda negligeret, nec facienda ficeret, misericordiæ tamen operibus toto annisu instabat, eleemosynam largiter egeritibus distribuens, esuriendos reficiens, nudos vestiens, querelas afflitorum patienter audiens, & multis pro posse benignè subueniens. Ecclesiasticas personas, & maximè quos religiosiores esse audiebat, magnificè honorabat, monachis præcipue totum cordis sui affectum impendebat. Quibus non solum venerationis obsequium, sed multa & de rebus proprijs confe-

conferebat. Inter quos singulari amore
fratres Cluniacenses amplectebatur, & eis
ob spem æternæ mercedis plurima lar-
giebatur. Nam ut reliqua taceam quæ eis
vir nobilis liberaliter contulit, sexaginta
& eo amplius ecclesiarum redditus, di-
uersis ad Cluniacum pertinentibus mo-
nasterijs in perpetuum dedit. Hoc modo
temporalis vitæ cursu transacto, in bona
confessione, cum peccatorum poenitidi-
ne ac cordis contritione, sicut mihi te-
stati sunt qui adfuerunt, ab hac luce re-
cessit. Hunc post mortem diuerso modo
plurimis apparuisse, quidam referunt.
Quarum visionum quia certum auctore
inueniri non valui, idcirco dubia scribere
reclusui. Vnam tantum de omnibus ele-
gi, quam propter rei probatæ fidem, di-
gnam hic inseri iudicaui. Successor ipsius
Episcopus synodum Gebennis vix anno
post eius discessum exacto celebrabat.
Veniebant ad eandem synodum presby-
teri more Ecclesiastico, inter quos qui-
dam boni testimonij presbyter prope-
rabat. Hic in itinere casu, immo diuina
voluntate à socijs aliquanto spatio se-
paratus, obuium habuit iam nomina-
tum defunctum Episcopum. Qui cum
insolito occursu turbatus aliquandiū hæ-
sisset,

sisset, tandem vtrum esset qui videretur
defunctus Episcopus, ab eo quæsiuit.
Quo se verè esse respondentे, presbyter
adiecit. Et quid est (ait) Domine, vel quæ
causa te mihi cum sis mortuus visibilēm
fecit? Ad quem Episcopus. Clementia
(inquit) diuina, ut meæ necessitati sub-
uenias, me tibi apparere permisit. Noui e-
nīm te ad synodum properare. Oro ergò
ut sacrum conuentum adeas, eorumque
me orationibus studiosè commendes.
Laboraui enim, & multa à tēpore mor-
tis meæ tormenta sustinui. A quibus in-
proximo erui potero, si eorum oratio-
nibus merear adiuuari. Dic ergò Epis-
copo & cum eo congregatis, ut omni-
die concilij Psalmum, Misericordia Dei
mihi simul omnes decantent, & com-
muni absolutione vniuersi animam
meam Deo commendent. Sacrificijs in-
super salutaribus, atque eleemosynis, di-
uinam maiestatem pro requie mea pro-
pitiare contendant. Nouerint autem
me ad agendam poenitentiam Clania-
cum iturum, & inde ad eandem per-
gandam Hierosolymam transiitum.
Hæc omnia cum eis dixeris, nomen tan-
tum meum ultimo die synodi dicendū
reservabis. Quæ postquam dixit, ab
oculis:

oculis colloquentis euanuit. Presbyter
verò cui hæc commissa fuerant gressum
accelerans, ad synodum venit, & vniuer-
sa Episcopo fideliter coram omnibus ex-
posuit. Cumque multos credere, quosdā
autem dubitare videret, Euangelij codi-
cem asserri rogauit, & ut cunctis fidem
faceret, iurecurando quæ dixerat confir-
matus, manum constanter super sacrum
volumen extendit. Quem omnes ad ea
probanda absque dubio paratum viden-
tes, eum ne iuraret compescuerunt, & qui
antea dubitauerant, omnem à corde suo
dubitatis scrupulum abiecerunt. Sed &
alter ex insperato testis surrexit, qui hæc
eadem omnia à defuncto Episcopo sibi
dicta, vniuersis admirantibus confirma-
uit. Vnde & bonæ oves mandata olim
pastoris sui benignè suscipientes, cuncta
quæ mandauerat deuotè impleuerunt, &
plurima ex abundante cordis sui caritate,
spontanei addiderunt. Hoc ab illis mihi
personis dictum est, qui omni fide digni-
synodo memoratae interfuerunt, &
ca quæ dixi, referentibus eis-
dem relatoribus au-
dierunt.

De